

**Nunat Aqqinik Aalajangiisartut
ataasinngorneq apriliip aqqarnganni 2016-imi
Ilimmarfimmi ataatsimiinnerat**


Peqataasut.: Karl Elias Olsen, Bolatta Vahl, Jens Danielsen (oqarasuaatikkut malinnaavoq),
Kirstine Kreutzmann.

Peqataannngitsut: Marianne Petersen feeriarluni angalanini pissutigalugu.

Allatsi: Lisathe Møller Kruse

Oqaluuserisat makkuupput:

1. Atuakkami siuleqatussuagut angakkuligartalissuarmi nunat aqqi pillugit Karl Elias Olsenip oqaatigiumasai
2. Kangaamiut eqqaanni nunat aqqi nalunaarsorlugit katersukkat
3. Inoqarfiit agguataarneri taaguutaalu eqqartorlugit naliliiffigineri. Nuna Tamakkerlugu Pilersaarusiortarnermut Immikkoortortaqarfiup saaffiginnissutaa
4. Taasariaqartut allat



1. pillugu –

Atuakkami Siuleqatussuagut angakkuligartalissuarmi nunat aqqi pillugit Karl Elias Olsenip oqaatigumasai Nunat Aqqinik Aalajangiisartunit eqqartorneqarput. Karl Elias Olsenip siunnersuutigivaa atuagaq pineqartoq Nunat Aqqinik Aalajangiisartunit Oqaasiliortunillu ataatsimut eqqartorneqartariaqartoq. Taamatut siunnersuuteqarnerminut peqqutigivaa atuagaq oqaatsinik allanartunik paasiuminaatsunillu ilaqartitermat, kiisalu nunat aqqi ilumut eqqortut atorsimanerai paaserusunnarmat.

Bolatta Vahlip isumaqatiginngilaa atuakkami imarineqartut oqaatsit nunallu aqqi ataatsimut sammineqarnissai, siunnersuutigalugulu nunat aqqi immikkut oqaatsillu immikkut eqqartorneqarlunillu naliliivigineqartariaqartut.


Nunat Aqqinik Aalajangiisartut eqqartuingaatsiareerlutik aalajangerpaat nunat aqqi atuakkamiittut pillugit NAA-mi ilaasortat tulliani ataatsimiilerunik eqqartuissasut, oqaatsillu eqqumiiginartut Karl Elias Olsenip apeqqusernatillugit paaserusutai qaqqinneqassasut Oqaasiliortunut ingerlateqqitassatut. NAA-mi ilaasortat siunnersuutigivaat atuakkamik Siuleqatussuagut angakkuligartalissuarmik pisissunneqarnissartik. NAA-mi allatsip Oqaasileriffiup ningiuanut paasiniaassalluni neriorsuivoq.

2. pillugu –

Kangaamiut eqqaanni nunat aqqi marsip ingerlanerani Kirstine Kretzmannimit nalunaarsorneqarlutillu katersorneqarsimasut eqqartorneqarput.

Nunat aqqi nunat aqqinik nalunaarsuiffimmi suli nalunaarsugaatigineqalersimanngitsut Kirstinimit katersorneqarlutik nalunaarsugaatigineqaleqqammersut Nunallu Aqqinik Aalajangiisartunit akuerineqartut ataani takuneqarsinnaapput:


| <i>Ny_grønlandsk</i> | <i>Genstand</i> | <i>Kilde</i> | <i>Kommune</i> | <i>Oprettelsesdato</i> | <i>Senest_rettet</i> |
|------------------------|-----------------|-----------------|----------------|------------------------|----------------------|
| Aallaaniarfik | SUND | Barnabas Larsen | Maniitsoq | 20160326 | 20160326 |
| Ammaqqoq | SUND | Barnabas Larsen | Maniitsoq | 20160331 | 20160331 |
| Aarsinaaliorfik | FJESÅ | Barnabas Larsen | Maniitsoq | 20160331 | 20160331 |
| Miagguu | FJOB | Barnabas Larsen | Maniitsoq | 20160331 | 20160331 |



| | | | | | |
|-------------------------------------|-------|-------------------|-----------|----------|----------|
| Tuttutooq | LANDA | Samuel Kreutzmann | Maniitsoq | 20160402 | 20160402 |
| Timaa | BUGT | Samuel Kreutzmann | Maniitsoq | 20160402 | 20160402 |
| Halmap Ikkarliffia | SLET | Samuel Kreutzmann | Maniitsoq | 20160402 | 20160402 |
| Tissernajuitsup Sermia | BRÆ | Samuel Kreutzmann | Maniitsoq | 20160402 | 20160402 |
| Kuussuup Kitaatungeralaa | KYST | Barnabas Larsen | Maniitsoq | 20160402 | 20160402 |
| Qaqqatsaap Kangia | KYST | Barnabas Larsen | Maniitsoq | 20160402 | 20160402 |
| Nuuk Qaqortoq | NÆS | Barnabas Larsen | Maniitsoq | 20160402 | 20160402 |
| Naqinneq | ELVMU | Samuel Kreutzmann | Maniitsoq | 20160402 | 20160402 |
| Ammalortoq | SØ | Barnabas Larsen | Maniitsoq | 20160402 | 20160402 |
| Naqinnerata Tasia | SØ | | Sisimiut | 20160402 | 20160402 |
| Tasia | SØ | SK | Sisimiut | 20160402 | 20160402 |

Nunat aqqi nunat aqqinik nalunaarsuiffimmi nalunaarsugaatigineqareersut nunallu aqqinik ilisimasalimmit naqqiissutigineqartut Nunat Aqqinik Aalajangiisartunit allannguutaat akuerineqarput. Allannguutit akuersissutigineqartut ataani takuneqarsinnaapput:


| <i>Ny_grønlandsk</i> | <i>Akuerisatut atuutsinneqalersoq</i> | <i>Genstand</i> |
|--|--|------------------------|
| Iviit, Ivissuit | Ivissuit | LANDA, NÆS |
| Assaat (EO), Assat (Kang. avis), Assaat (BL) | Assaat | PYNT, TELTP |
| Qerrortusup Karrarlalaa (Kang. avis, EO), Qarralalaa | Qerrortusup Karrarlalaa | Ø |
| Qerrortusup Saqqarlalaa (EO), Saqqarlalaa (BL) | Qerrortusup Saqqarlalaa | Ø |
| Itilleq, Itissaaq (Kang. avis+SK) | Itissaaq | BUGT |
| Tatsip Panersiivia (K), Tatsip Ataata Panersiivia (SK) | Tatsip Ataata Panersiivia | NÆS |



| | | |
|---|---------------------------------|-------|
| Isersiugaatsiaat (EO), Isersiugaatsaat (SK) | Isersiugaatsaat | NÆS |
| Naqinnera, Nakkajangap Naqinnera (kang. avis), Nak | Nakajangap Naqinnera | DAL |
| Nakkajanga, Nakajanga (Kang. Avis+EO) | Nakajanga | DAL |
| Sallinngua, Saarlunngua | Saarlunngua | Ø |
| Tarniliisortoq(K), Tarniliisartoq (SK) | Tarniliisartoq | ELV |
| Igimassap Kangerlussuatsiaa (K), Igimassap kangerlua (SK) | Igimassap Kangerlua | FJORD |
| Qeqertaasap Tunua (EO), Kangerluk (SK) | Kangerluk | VIG |
| Qogaat, Qoqaat (Kang. avis, EO) | Qoqaat | FJOB |
| Sarfartuup Nuussua, Sarfartup Nuussua (Kang. avis), Nuussuaq (SK) | Sarfartup Nuussua | NÆS |
| Qeqertat Killiit (EO), Issingasut (BL) | Issingasut | Ø |
| Narsap Kuaa (EO), Kuussuaq (BL) | Kuussuaq | ELV |
| Saattuatsiaat (EO), Saattuatsaat (BL) | Saattuatsaat | Ø |

Nunat aqqi nunat aqqinik ilisimasalimmit upernaq manna Kirstinep Kangaamiuniinnerani naqqiissutigineqarsimasut Nunat Aqqinik Aalajangiisartulli aalajangiivigineqanngikkallartut ataani takuneqarsinnaapput:

| <i>Ny_grønlandsk</i> | <i>Apequtigineqartussat</i> | <i>Genstand</i> |
|--|--|------------------------|
| Inussullaat, Inussullaat (Kang. avis), Inussullat | Uppernarsatissaaq sorliunersoq paasiniarlugu. | ØER |
| Tiniteqisaap Nunaa, Nunarsuaq (Kang. avis, EO) Tiniteqisaaq (SK) | Tinitoqisaajusimappat qanoq isumaqarnersoq paasiniarneqassaaq. | Ø |
| Qallunnguit (K), Qallunngit (SK) | Sorleq eqqornersoq paasiniarneqassaaq, Qallunngillu qanoq isumaqarnersoq. | DIAB |
| Narsaatsialik (EO), Narsatsaalik (BL) | Sorleq eqqornersoq paasiniarneqassaaq, kiisalu Narsatsaaliunersoq Narsaatsaaliunersorluunniit paasiniarneqassalluni. | KYST |
| Naanngisat, Naangissat | Sorleq eqqornersoq paasiniarneqassaaq, qanorlu isumaqarnersoq. | KYST?, Ø |



| | | |
|---|---|-----|
| Kangingusaata Nuua (EO), Kanginguusaa (Kang. avis+SM) | Sorleq eqqornersoq paasinarieqassaaq. Qaqqaq nuuttaatalu aqqi sorliunersut paasinarieqassapput. | NÆS |
|---|---|-----|

Ilanngullugu Oqaasileriffiup ningiuanut apeqqutigineqassaaq Jens Kreutzmannip atuakkiaa *Fortællinger og akvariller* Oqaasileriffiup pisiarisinnaanginneraa. Kangaamiut eqqaanni nunat aqqisa oqaluttuassartaat tassaniimmata pigineqartariaqartoq Nunat Aqqinik Aalajangiisartut isumaqarput.

3. pillugu –

Namminersorlutik Oqartussat allaffeqarfiisa ilaata Nuna Tamakkerlugu Pilersaarusionermut Immikkoortortaqarfiup saaffiginnissutigaa Kalaallit Nunaanni inoqarfiit agguataarnerisa taaguutissaannut tunngasoq.

Nunat Aqqinik Aalajangiisartut ataatsimiinnginneranni Oqaasileriffik siunnersuutaasinnaasumik suliaqarpoq. Nunat Aqqinik Aalajangiisartut eqqartuereerlutik aalajangerpaat suliassaq suli misissugassartaqangaatsiarmat uani ataatsimiinnermi aalajangiivigisinnaanagu. Tulliani ataatsimiinnissaannut maajip pingajuata tungaanut piareersarnej ingerlanneqassaaq, ataatsimiinnermilu tassani aalajangiivigineqassalluni.

4. pillugu –

Aalajangiunneqarpoq NAA-mi ilaasortat tulliani maajip pingajuanni kl. 10 ataatsimiikkumaarlutik.

Karl Elias Olsen
Siulittaasoq

Lisathe M. Kruse
Allatsi